

**III. OUTRAS DISPOSICIÓNS****CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES**

*RESOLUCIÓN do 27 de xaneiro de 2023, da Dirección Xeral de Formación Profesional, pola que se convocan as probas para a obtención do título de graduado en educación secundaria obrigatoria para maiores de dezaoito anos nas convocatorias de maio e setembro, e se ditan instrucións para a súa realización (código de procedemento ED540A).*

A Orde do 20 de marzo de 2018 pola que se regula a educación básica para as persoas adultas e se establece o seu currículo na Comunidade Autónoma de Galicia, no seu artigo 44 punto 1 establece que, anualmente se, convocarán polo menos dúas probas para que as persoas maiores de dezaoito anos poidan obter directamente o título de graduado en educación secundaria obrigatoria.

En consecuencia, e ao abeiro da orde de referencia,

**RESOLVO:**

Convocar as probas para a obtención do título de graduado en educación secundaria no ano 2023, con código de procedemento administrativo ED540A, conforme se dispón nas epígrafes seguintes:

**Primeira. Condicións das persoas aspirantes**

Poderán participar nestas probas as persoas que cumpran os seguintes requisitos:

1. Ter feitos os dezaoito anos o día anterior á data de realización da proba.
2. Non estaren en posesión do título de graduado en educación secundaria.
3. Non estaren nin teren estado matriculadas no curso 2022/23 nas ensinanzas de educación secundaria ordinaria, nin nas de formación profesional básica.
4. O alumnado matriculado durante o curso 2022/23 na educación secundaria para persoas adultas poderá inscribirse nas probas se previamente cumpre as seguintes condicións:
  - 4.1. Para acudir á primeira convocatoria, o alumnado ten que solicitar a baixa nas ensinanzas do segundo cuatrimestre. Así mesmo, as persoas con ámbitos do primeiro cuatrimestre sen superar deberán renunciar á avaliación extraordinaria deses ámbitos.



O incumprimento dalgún destes requisitos suporá a anulación da inscrición na convocatoria das probas e dos posibles resultados académicos obtidos nelas.

Segunda. *Forma, lugar e prazos de presentación*

1. Os prazos de matrícula serán:

- Convocatoria de maio: 6 de marzo ao 16 de marzo de 2023, ambos os dous incluídos.
- Convocatoria de setembro: 3 de xullo ao 10 de xullo de 2023, ambos os dous incluídos.

As persoas matriculadas para a primeira convocatoria, se non superan a totalidade dos ámbitos da proba, consideraranse matriculadas para a segunda convocatoria sen que teñan que presentar nova documentación.

2. As solicitudes de inscrición deberán presentarse en soporte papel nos centros educativos que se especifican no punto 3 ou por calquera dos medios establecidos no artigo 16 da Lei 39/2015, do 1 de outubro, do procedemento administrativo común das administracións públicas, utilizando o formulario normalizado (código de procedemento ED540A) que figura como anexo I dispoñible na sede electrónica da Xunta de Galicia, <https://sede.xunta.gal>

3. As persoas aspirantes formalizarán a súa inscrición nun dos seguintes centros que constituirán tribunais para a avaliación das probas para a obtención do título de graduado en educación secundaria obrigatoria:

a) A Coruña:

- Centro EPA Eduardo Pondal, rúa da Educación, 3-2º andar, 15011 A Coruña.

b) Ferrol:

- Centro EPA Santa María de Caranza, rúa Luis de Requeséns, s/n, 15406 Ferrol.

c) Santiago de Compostela:

– Alumnado co primeiro apelido entre a letra «A» e a letra «L»: IES San Clemente, rúa San Clemente, s/n, 15705 Santiago de Compostela.

– Alumnado co primeiro apelido entre a letra «M» e a letra «Z»: IES Rosalía de Castro, rúa San Clemente, 3, 15705 Santiago de Compostela.



## d) Carballo:

– IES Isidro Parga Pondal, rúa Muíño da Pintura, 15100 Carballo.

## e) Lugo:

– Centro EPA Albeiros, parque da Milagrosa, s/n, 27003 Lugo.

## f) Ourense:

– Centro EPA de Ourense, rúa Álvarez de Sotomayor, 4, 32002 Ourense.

## g) Pontevedra:

– Alumnado co primeiro apelido entre a letra «A» e a letra «L»: Centro EPA Río Lérez, avenida de Buenos Aires, 26, 36002 Pontevedra.

– Alumnado co primeiro apelido entre a letra «M» e a letra «Z»: IES Frei Martín Sarmiento, avenida de Vigo, 23, 36003 Pontevedra.

## h) Vigo:

– Alumnado co primeiro apelido entre a letra «A» e a letra «L»: Centro EPA Berbés, rúa Marqués de Valterra, 8, 1º, 36202 Vigo.

– Alumnado co primeiro apelido entre a letra «M» e a letra «Z»: IES Santa Irene, praza de América, 7, 36211 Vigo.

## i) O Porriño:

– IES Ribeira do Louro, rúa Ribeira, s/n (Torreiros), 36410 O Porriño.

## j) Tui:

– IES Indalecio Pérez Tizón, avenida da Concordia, s/n, 36700 Tui.

## k) Vilagarcía de Arousa:

– IES Armando Cotarelo Valledor, rúa Armando Cotarelo Valledor, 4-6, 36611 Vilagarcía de Arousa.

4. Cando nos centros autorizados o número de persoas matriculadas exceda a capacidade dos espazos dispoñibles para realizar a proba, a Xefatura Territorial da Consellería de



Cultura, Educación, Formación Profesional e Universidades que corresponda establecerá o centro ou centros en que os matriculados realizarán a proba.

5. No suposto anterior, o centro en que se formalice a matrícula elaborará listaxes definitivas de admitidos diferenciadas para cada centro no que deben presentarse para realizar as probas. As listaxes organizaranse seguindo criterios de orde alfabética, por grupos de letras.

6. Para a realización das probas, a Dirección Xeral de Formación Profesional poderá agrupar nun único tribunal os aspirantes inscritos en dous ou máis centros, en caso de que o seu número non xustifique a creación dun tribunal.

Terceira. *Documentación complementaria para a tramitación das solicitudes*

1. As persoas interesadas deberán achegar coa solicitude a seguinte documentación:

a) Copia, se procede, do certificado dos ámbitos da proba superados en anteriores convocatorias, de acordo co establecido no punto 2 da epígrafe décimo terceira desta resolución, só no caso de aspirantes que os superasen fóra da Comunidade Autónoma de Galicia.

b) Copia, se procede, da certificación académica de ámbitos ou materias superados, de acordo coas especificacións establecidas nos puntos 3 e 4 da epígrafe décimo terceira desta resolución.

c) Acreditación de proceder doutra comunidade autónoma ou dun país estranxeiro no caso de solicitar a exención de lingua galega.

d) Certificación do ditame de discapacidade no caso de que se solicite o recoñecemento de necesidades especiais, cando esta fose recoñecida por outra Administración distinta da Xunta de Galicia.

2. De conformidade co artigo 28.3 da Lei 39/2015, do 1 de outubro, do procedemento administrativo común das administracións públicas, non será necesario achegar os documentos que xa fosen presentados anteriormente pola persoa interesada a calquera Administración. Neste caso, a persoa interesada deberá indicar en que momento e ante que órgano administrativo presentou os ditos documentos, que serán solicitados electronicamente a través das redes corporativas ou mediante consulta ás plataformas de intermediación de datos ou outros sistemas electrónicos habilitados para o efecto, agás que conste no procedemento a oposición expresa da persoa interesada.

De forma excepcional, se non se puidesen obter os citados documentos, poderá solicitarse novamente á persoa interesada a súa achega.



3. A documentación complementaria presentarase presencialmente nos centros educativos sinalados no punto 3 da epígrafe 2 desta resolución ou en calquera dos lugares e rexistros establecidos na normativa reguladora do procedemento administrativo común.

As persoas interesadas responsabilizaranse da veracidade dos documentos que presenten. Excepcionalmente, cando a relevancia do documento no procedemento o exixa ou existan dúbidas derivadas da calidade da copia, a Administración poderá solicitar de maneira motivada o cotexo das copias achegadas pola persoa interesada, para o que poderán requirir a exhibición do documento ou da información orixinal.

4. Sempre que se realice a presentación de documentos separadamente da solicitude deberase indicar o código e o órgano responsable do procedemento, o número de rexistro de entrada da solicitude e o número de expediente, se se dispón del.

#### Cuarta. *Comprobación de datos*

1. Para a tramitación deste procedemento consultarase automaticamente os datos incluídos nos seguintes documentos en poder da Administración actuante ou elaborados polas administracións públicas, agás que a persoa interesada se opoña á súa consulta:

a) DNI/NIE da persoa solicitante.

Consultaranse, ademais, os seguintes datos cando a persoa interesada faga constar na solicitude que lle é de aplicación a circunstancia que acredita o documento correspondente:

a. Certificado do grao de discapacidade recoñecida pola Xunta de Galicia.

b. Certificado de ámbitos da proba superados en anteriores convocatorias en centros dependentes da Consellería de Cultura, Educación, Formación Profesional e Universidades.

c. Historial académico dos estudos cursados en centros dependentes da Consellería de Cultura, Educación, Formación Profesional e Universidades, que acredite a superación de ámbitos ou materias, de acordo coas especificacións establecidas nos puntos 3 e 4 da epígrafe décimo terceira desta resolución.

2. No caso de que as persoas interesadas se opoñan á consulta, deberán indicalo no recadro correspondente habilitado no formulario correspondente e achegar os documentos.

Cando así o exixa a normativa aplicable, solicitarase o consentimento expreso da persoa interesada para realizar a consulta.



3. Excepcionalmente, no caso de que algunha circunstancia imposibilite a obtención dos citados datos, poderase solicitar ás persoas interesadas a presentación dos documentos correspondentes.

*Quinta. Persoas con necesidades educativas especiais*

1. As persoas con necesidades educativas especiais asociadas a condicións persoais de discapacidade que teñan a declaración legal de discapacidade poderán solicitar a adaptación da proba, así como recursos adicionais para a desenvolver.

2. A xefatura territorial da Consellería de Cultura, Educación, Formación Profesional e Universidades, que poderá delegar no presidente ou na presidenta do tribunal, determinará se procede adoptar medidas ou facilitar recursos adicionais, e informará a persoa interesada e o tribunal correspondente da súa decisión.

*Sexta. Exención de lingua galega*

1. Durante o período de inscrición, as persoas aspirantes poderán dirixir á dirección do centro a solicitude de exención de lingua galega para que non sexa obxecto de avaliación nesta convocatoria.

2. As persoas solicitantes de exención acreditarán a procedencia doutra comunidade autónoma ou dun país estranxeiro, segundo o establecido no artigo 18.1 do Decreto 79/2010, do 20 de maio, para o plurilingüismo no ensino non universitario de Galicia.

3. O director ou a directora do centro onde presente a solicitude, de conformidade co artigo 19 do Decreto 79/2010, do 20 de maio, resolverá sobre a concesión ou a denegación da exención, fará pública tal circunstancia cando se publiquen as listas provisionais de admitidos e comunicarllo ao presidente ou á presidenta do tribunal que corresponda.

4. Contra a resolución da dirección do centro, cabe interpor recurso de alzada, no prazo dun mes contado desde o día seguinte ao da súa notificación, ante o xefe ou xefa territorial da Consellería de Cultura, Educación, Formación Profesional e Universidades.

*Sétima. Listas de admitidos e reclamacións*

1. No prazo dos quince días posteriores á conclusión do prazo de presentación de solicitudes, os centros publicarán a listaxe provisional de persoas admitidas e excluídas, na cal se indicarán os motivos da exclusión. Tamén constarán as exencións da proba de lingua galega.



2. As persoas aspirantes disporán dun prazo de tres días hábiles para a reclamación, contados a partir do día seguinte ao da publicación da lista de admitidos. Transcorrido ese prazo, publicarase a lista definitiva de persoas admitidas e excluídas.

3. O día hábil seguinte ao da publicación da lista definitiva de persoas admitidas, os directores ou directoras dos centros en que se realizou a matrícula deberán comunicar o número de aspirantes que solicitan a realización da proba ao correo electrónico [educadultos@edu.xunta.es](mailto:educadultos@edu.xunta.es), do Servizo de Ensinanzas de Réxime Especial e Aprendizaxe Permanente, pertencente á Dirección Xeral de Formación Profesional. Tamén deberán comunicalo á respectiva xefatura territorial.

#### Oitava. *Trámites administrativos posteriores á presentación de solicitudes*

Os trámites posteriores ao inicio do procedemento deberán realizarse presencialmente nos centros educativos sinalados no punto 3 da epígrafe 2 desta resolución ou en calquera dos lugares e rexistros establecidos na normativa reguladora do procedemento administrativo común. A sede electrónica da Xunta de Galicia ten á disposición das persoas interesadas unha serie de modelos para facilitar a realización dos ditos trámites que poderán ser empregados por elas.

#### Novena. *Notificacións*

1. As notificacións de resolucións e actos administrativos practicaranse preferentemente por medios electrónicos. As persoas interesadas poderán decidir e comunicar en calquera momento que as notificacións sucesivas se practiquen ou deixen de practicar por medios electrónicos mediante os modelos normalizados dispoñibles.

2. A persoa interesada deberá manifestar expresamente a modalidade escollida para a notificación (electrónica ou en papel) no formulario.

3. No caso de optar pola notificación en papel, practicarase a notificación segundo o establecido na normativa reguladora do procedemento administrativo común.

4. De conformidade co artigo 45.2 da Lei 4/2019, do 17 de xullo, de administración dixital de Galicia, as notificacións electrónicas practicarase mediante a comparecencia na sede electrónica da Xunta de Galicia e a través do Sistema de notificación electrónica de Galicia-Notifica.gal. Este sistema remitirá ás persoas interesadas avisos da posta á disposición das notificacións á conta de correo e/ou teléfono móbil que consten na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.



5. As notificacións por medios electrónicos entenderanse practicadas no momento en que se produza o acceso ao seu contido, e entenderase rexeitada cando transcorresen dez días naturais desde a posta á disposición da notificación sen que se acceda ao seu contido.

6. Se o envío da notificación electrónica non fose posible por problemas técnicos, practicarase a notificación polos medios previstos na normativa reguladora do procedemento administrativo común.

Décima. *Realización das probas*

1. As probas constarán de tres partes, correspondentes aos tres ámbitos en que se organizan as ensinanzas de educación secundaria para as persoas adultas. Os contidos das probas terán como referente curricular os criterios de avaliación e os estándares de aprendizaxe avaliábeis establecidos para cada un dos ámbitos de coñecemento no anexo IB da Orde do 20 de marzo de 2018, pola que se regula a educación básica para as persoas adultas e se establece o seu currículo na Comunidade Autónoma de Galicia, e ten como marco de referencia o establecido para a educación secundaria obrigatoria no Decreto 86/2015, do 25 de xuño, polo que se establece o currículo da educación secundaria obrigatoria e do bacharelato na Comunidade Autónoma de Galicia.

2. As probas celebraranse en sesións de mañá e tarde os días 19 de maio e 1 de setembro de 2023 para as respectivas convocatorias.

3. A sesión da mañá terá dúas partes: na primeira, das 9.30 ás 12.00 horas, realizarase a proba do ámbito científico-tecnolóxico, que inclúe exercicios das materias de Matemáticas, Bioloxía e Xeoloxía, Física e Química e Tecnoloxía, así como aspectos relacionados coa saúde e o medio natural recollidos no currículo de Educación física.

Na segunda parte, das 12.15 ás 13.15 horas, realizarase a proba do ámbito social, que inclúe exercicios das materias de Xeografía e Historia, Economía, Iniciación a Actividade Emprendedora e Empresarial e aspectos perceptivos correspondentes ás materias de Educación plástica e visual, e Música.

Na sesión da tarde, das 16.00 ás 19.00 horas, realizarase a proba do ámbito da comunicación. Comprenderá os exercicios de:

a) Lingua galega e literatura.

a.1) Exercicio de redacción. Na valoración da redacción, terase en conta o xeito de estruturar os datos e os feitos, a coherencia da exposición, o vocabulario empregado, o dominio da ortografía e a presentación do escrito.





a.2) Cuestións de Lingua galega e literatura.

b) Lingua castelá e literatura.

b.1) Exercicio de redacción. Realizarase conforme o disposto no punto a.1) para a Lingua galega e literatura.

b.2) Cuestións de Lingua castelá e literatura.

c) Lingua estranxeira (inglés ou francés).

4. Seguindo as indicacións do equipo directivo dos centros onde se realizan as probas, o profesorado terá que colaborar nas tarefas de vixilancia dos exames.

Décimo primeira. *Normas de realización das probas*

1. Para a realización das probas, as persoas inscritas acreditarán a súa identidade presentando o DNI, pasaporte ou calquera outro documento recoñecido en dereito. Non se permitirá o acceso ás persoas que non estean correctamente identificadas.

2. Na proba do ámbito científico-tecnolóxico, o alumnado poderá utilizar calculadora. Non se poderán utilizar calculadoras programables nin aquelas que permitan a resolución de ecuacións ou a almacenaxe de datos alfanuméricos. En caso de dúbida, o tribunal poderá revisar a calculadora para a súa valoración.

3. Non se permitirá o uso do teléfono móbil, smartwatch, nin ningún outro dispositivo electrónico, agás o mencionado no punto anterior. No caso dos reloxos intelixentes, non se permitirá o seu acceso para a súa utilización como un reloxo convencional.

4. As persoas aspirantes, unha vez resolta cada proba, que será de respostas pechadas, trasladarán as opcións elixidas a unha folla de respostas. Entregarán esta xunto co protocolo de exame.

Décimo segunda. *Tribunais*

1. Cada tribunal estará constituído por un presidente ou presidenta e catro vogais, designados polo xefe ou xefa territorial correspondente da Consellería de Cultura, Educación, Formación Profesional e Universidades. Na composición do tribunal garantirase que exis-



tan dous vogais que impartan docencia no ámbito de comunicación, un deles de idioma estranxeiro, e outros dous que impartan docencia nos ámbitos científico-tecnolóxico e social.

2. Os membros do tribunal poderán percibir axudas de custo por asistencia e axudas para gastos de locomoción por concorreren ás sesións de avaliación consonte o Decreto 144/2001, do 7 de xuño, sobre indemnizacións por razón de servizo ao persoal con destino na Administración autonómica de Galicia.

3. O tribunal facilitará aos aspirantes con ámbitos superados unha certificación coas cualificacións obtidas ou de proposta para a expedición do título, utilizando o anexo III desta resolución, e cubrirá a ficha estatística, que se xunta como anexo IV, para enviala á Dirección Xeral de Formación Profesional, antes do 8 de xullo, para a convocatoria de maio, e antes do 28 de outubro, para a convocatoria de setembro.

4. Logo de rematado o proceso de avaliación, a presidencia do tribunal entregará na secretaría do centro as actas de avaliación e demais documentación relacionada coas probas para a súa tramitación e custodia. A partir dese momento, serán o director ou directora e o secretario ou secretaria do centro quen, á vista dos documentos custodiados, asinen todas as certificacións relacionadas coa realización das probas no ano 2023 e cos seus resultados.

#### Décimo terceira. *Avaliación, validación de ámbitos e puntuación das probas*

1. O profesorado que compoñe o tribunal realizará a avaliación das probas por ámbitos de coñecemento. Por iso, os dous vogais pertencentes ao ámbito de comunicación repartirán o número de exames de maneira equitativa.

2. As persoas para quen o tribunal determine que non procede a proposta de expedición do título de graduado en educación secundaria obrigatoria conservarán para sucesivas convocatorias as cualificacións positivas obtidas no ámbito ou nos ámbitos superados nos termos de suficiente (5), ben (6), notable (7-8) e sobresaliente (9-10).

3. De acordo coas especificacións establecidas no anexo II, as persoas aspirantes que acrediten ter superado algún ámbito nas probas libres para a obtención do título de graduado en educación secundaria en convocatorias anteriores, algún módulo número catro dos ámbitos de educación secundaria de persoas adultas, algún módulo voluntario dos programas de cualificación profesional inicial ou algún ámbito dos programas de diversificación



curricular de cuarto curso quedarán eximidas da realización da proba no ámbito ou ámbitos superados. A cualificación deses ámbitos consignarase nas actas de avaliación das probas nos termos de suficiente (5), ben (6), notable (7-8) e sobresaliente (9-10).

4. Quen acredite ter superadas algunhas materias do cuarto curso de educación secundaria obrigatoria ou de segundo curso de bacharelato unificado polivalente (establecido na Lei 14/1970, do 4 de agosto, xeral de educación), de acordo tamén coas especificacións do anexo II, quedará eximido da realización das probas do ámbito ou ámbitos correspondentes. Neste caso, as cualificacións consignaranse co resultado da media aritmética desas materias, redondeada á unidade máis próxima e, no caso de equidistancia, á superior.

5. A cualificación de cada ámbito outorgarase consonte a seguinte escala:

a) Ámbito científico-tecnolóxico.	Puntuación máxima: 55 puntos.
b) Ámbito social.	Puntuación máxima: 25 puntos.
c) Ámbito de comunicación. Lingua galega e literatura. Redacción. Cuestións de Lingua galega e literatura. Lingua castelá e literatura. Redacción. Cuestións de Lingua castelá e literatura. Lingua estranxeira.	Puntuación máxima: 20 puntos. Puntuación máxima: 20 puntos.  Puntuación máxima: 20 puntos. Puntuación máxima: 20 puntos. Puntuación máxima: 20 puntos.  Total máxima puntuación: 100 puntos.

6. Cualificación dos ámbitos:

a) Científico-tecnolóxico.

Puntuación	Cualificación
52 a 55 puntos	Sobresaliente (10)
47 a 51,99 puntos	Sobresaliente (9)
42 a 46,99 puntos	Notable (8)
37 a 41,99 puntos	Notable (7)
32 a 36,99 puntos	Ben (6)
27 a 31,99 puntos	Suficiente (5)
Menos de 27:	
21 a 26,99 puntos	Insuficiente (4)
14 a 20,99 puntos	Insuficiente (3)
7 a 13,99 puntos	Insuficiente (2)
0 a 6,99 puntos	Insuficiente (1)



## b) Comunicación.

Puntuación	Cualificación
95 a 100 puntos	Sobresaliente (10)
86 a 94,99 puntos	Sobresaliente (9)
77 a 85,99 puntos	Notable (8)
68 a 76,99 puntos	Notable (7)
59 a 67,99 puntos	Ben (6)
50 a 58,99 puntos	Suficiente (5)
Menos de 50:	
37,5 a 49,99 puntos	Insuficiente (4)
25 a 37,49 puntos	Insuficiente (3)
12,5 a 24,99 puntos	Insuficiente (2)
0 a 12,49 puntos	Insuficiente (1)

## c) Social.

Puntuación	Cualificación
23 a 25 puntos	Sobresaliente (10)
21 a 22,99 puntos	Sobresaliente (9)
19 a 20,99 puntos	Notable (8)
17 a 18,99 puntos	Notable (7)
15 a 16,99 puntos	Ben (6)
12 a 14,99 puntos	Suficiente (5)
Menos de 12:	
9 a 11,99 puntos	Insuficiente (4)
6 a 8,99 puntos	Insuficiente (3)
3 a 5,99 puntos	Insuficiente (2)
0 a 2,99 puntos	Insuficiente (1)

7. No caso das persoas exentas da proba de lingua galega, a puntuación máxima que se outorgará ao ámbito de comunicación será esta:

Lingua castelá e literatura. Redacción. Cuestións de Lingua castelá e literatura. Lingua estranxeira.	Puntuación máxima: 20 puntos Puntuación máxima: 20 puntos Puntuación máxima: 20 puntos Total máxima puntuación: 60 puntos
--	--

## Cualificación do ámbito de comunicación para o alumnado exento de galego:

Puntuación	Cualificación
55 a 60 puntos	Sobresaliente (10)
50 a 54,99 puntos	Sobresaliente (9)
45 a 49,99 puntos	Notable (8)
40 a 44,99 puntos	Notable (7)
35 a 39,99 puntos	Ben (6)
30 a 34,99 puntos	Suficiente (5)
Menos de 30:	
22,5 a 29,99 puntos	Insuficiente (4)
15 a 22,49 puntos	Insuficiente (3)
7,5 a 14,99 puntos	Insuficiente (2)
0 a 7,49 puntos	Insuficiente (1)



**8. Cualificación global da proba.**

a) Os días 1 de xuño e 7 de setembro de 2023 no enderezo web <http://www.edu.xunta.gal> farase pública a listaxe de cualificacións provisionais de cada unha das convocatorias.

b) Contra a cualificación provisional, poderase presentar reclamación ante a presidencia do tribunal no prazo de cinco días hábiles tras a publicación da listaxe provisional.

c) Transcorrido o prazo de reclamacións, elevarase a definitiva a listaxe de cualificacións que será publicada os días 9 de xuño e 15 de setembro de 2023 no enderezo web <http://www.edu.xunta.gal>.

d) Contra a listaxe definitiva da proba, poderase interpor no prazo dun mes recurso de alzada ante o xefe ou xefa territorial correspondente da Consellería de Cultura, Educación, Formación Profesional e Universidades, que esgotará a vía administrativa.

e) As persoas aspirantes que superen os tres ámbitos da proba serán propostas polo centro para a expedición do título de graduado en educación secundaria obrigatoria, a través da aplicación de xestión administrativa de centros (XADE).

Disposición derradeira única

Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 27 de xaneiro de 2023

María Eugenia Pérez Fernández  
Directora xeral de Formación Profesional




**XUNTA DE GALICIA**

 CONSELLERÍA DE CULTURA,  
EDUCACIÓN, FORMACIÓN  
PROFESIONAL E UNIVERSIDADES

ANEXO I

PROCEDEMENTO <b>INSCRICIÓN NAS PROBAS PARA A OBTENCIÓN DO TÍTULO DE GRADUADO EN EDUCACIÓN SECUNDARIA OBRIGATORIA PARA PERSOAS MAIORES DE DEZAOITO ANOS</b>	CÓDIGO DE PROCEDEMENTO <b>ED540A</b>	DOCUMENTO SOLICITUDE
---	---	-------------------------

 CONVOCATORIA DO MES DE  MAIO  SETEMBRO

<b>DATOS DA PERSOA SOLICITANTE</b>							
NOME	PRIMEIRO APELIDO	SEGUNDO APELIDO	NIF				
TIPO	NOME DA VÍA	NÚM.	BLOQ.	ANDAR	PORTA		
PARROQUIA	LUGAR						
CÓDIGO POSTAL	PROVINCIA	CONCELLO	LOCALIDADE				
TELÉFONO 1	TELÉFONO 2	DATA DE NACEMENTO	SEXO	CORREO ELECTRÓNICO			
			<input type="radio"/> Home <input type="radio"/> Muller				


<b>E, NA SÚA REPRESENTACIÓN</b> (deberase acreditar a representación fidedigna por calquera medio válido en dereito)			
NOME/RAZÓN SOCIAL	PRIMEIRO APELIDO	SEGUNDO APELIDO	NIF

<b>DATOS PARA OS EFECTOS DE NOTIFICACIÓN</b>					
Enviarase avisos da posta á disposición da notificación no correo electrónico e/ou teléfono móbil facilitados a seguir e que se poderán cambiar en calquera momento a través de Notifica.gal:					
TELÉFONO MÓBIL	CORREO ELECTRÓNICO				
<b>ELECCIÓN DO MEDIO DE NOTIFICACIÓN PREFERENTE</b>					
As persoas obrigadas a relacionarse a través de medios electrónicos coa Administración deberán optar, en todo caso, pola notificación por medios electrónicos sen que sexa válida para elas, nin produza efectos, unha opción diferente.					
<input type="radio"/> <b>Electrónica</b> a través do Sistema de notificación electrónica de Galicia-Notifica.gal, <a href="https://notifica.xunta.gal">https://notifica.xunta.gal</a> Só se poderá acceder á notificación co certificado electrónico ou Chave365.					
<input type="radio"/> <b>Postal</b> (cubrir o enderezo postal só se é distinto do indicado anteriormente)					
TIPO	NOME DA VÍA	NÚM.	BLOQ.	ANDAR	PORTA
PARROQUIA	LUGAR				
CÓDIGO POSTAL	PROVINCIA	CONCELLO	LOCALIDADE		

<b>LINGUA ESTRANXEIRA ELIXIDA</b>
<input type="radio"/> Inglés <input type="radio"/> Francés

<b>EXENCIÓN DE ÁMBITOS DA PROBA</b>
Solicita a exención da parte / ámbito da proba (marcar cun x o que proceda):
<input type="checkbox"/> PARTE 1ª: ÁMBITO CIENTÍFICO-TECNOLÓXICO <input type="checkbox"/> PARTE 2ª: ÁMBITO DE COMUNICACIÓN <input type="checkbox"/> PARTE 3ª: ÁMBITO SOCIAL

<b>EXENCIÓN DE LINGUA GALEGA</b>
Solicita a exención de Lingua galega por proceder doutra comunidade autónoma ou dun país estranxeiro, nos termos establecidos polo artigo 18.1 do Decreto 79/2010, do 20 de maio (marcar cun x o que proceda):
<input type="radio"/> SI <input type="radio"/> NON


**SEDE ELECTRÓNICA** Este formulario só poderá presentarse nas <https://sede.xunta.gal> formas previstas na súa norma reguladora

CVE-DOG: udv8d7h5-g9e0-xbt2-sq00-fbfcnh5iyt4


**XUNTA DE GALICIA**

ISSN1130-9229

Depósito legal C.494-1998

<https://www.xunta.gal/diario-oficial-galicia>


**XUNTA  
DE GALICIA**
**CONSELLERÍA DE CULTURA,  
EDUCACIÓN, FORMACIÓN  
PROFESIONAL E UNIVERSIDADES**
**ANEXO I  
(continuación)**
**RECOÑECEMENTO DE NECESIDADES ESPECIAIS**

 Presenta discapacidade que necesita adaptación para a realización das probas:  SI  NON

Especificue a discapacidade e a adaptación necesaria:

**DOCUMENTACIÓN QUE SE PRESENTA OU XA PRESENTADA CON ANTERIORIDADE**

<input type="checkbox"/> Certificado dos ámbitos da proba superados en anteriores convocatorias, no caso de aspirantes que os superasen fóra da Comunidade Autónoma de Galicia			
<input type="checkbox"/> Certificación académica de ámbitos ou materias aprobados			
<input type="checkbox"/> Acreditación de proceder doutra comunidade autónoma ou dun país estranxeiro, no caso de solicitar exención de lingua galega	ÓRGANO	CÓD. PROC.	ANO
<input type="checkbox"/> Certificación do ditame de discapacidade, cando este fose emitido por unha Administración distinta da Xunta de Galicia			

**COMPROBACIÓN DE DATOS**

Os documentos relacionados serán obxecto de consulta ás administracións públicas. No caso de que as persoas interesadas se opoñan a esta consulta, deberán indicalo no recadro correspondente e achegar unha copia dos documentos.

DNI/NIE da persoa solicitante	OPÓÑOME Á CONSULTA
<input type="checkbox"/>	<input type="checkbox"/>
<b>MARQUE O RECADRO CORRESPONDENTE PARA SINALAR AS CIRCUNSTANCIAS QUE LLE SEXAN DE APLICACIÓN</b>	
<input type="checkbox"/> Certificado do grao de discapacidade, recoñecida pola Xunta de Galicia	<input type="checkbox"/>
<input type="checkbox"/> Certificado de ámbitos da proba superados en anteriores convocatorias en centros dependentes da Consellería de Cultura, Educación, Formación Profesional e Universidades	<input type="checkbox"/>
<input type="checkbox"/> Historial académico dos estudos cursados en centros dependentes da Consellería de Cultura, Educación, Formación Profesional e Universidades	<input type="checkbox"/>

**INFORMACIÓN BÁSICA SOBRE A PROTECCIÓN DE DATOS PERSOAIS**

Responsable do tratamento	Xunta de Galicia. Consellería de Cultura, Educación, Formación Profesional e Universidades.
Finalidades do tratamento	Tramitar este procedemento, verificar os datos e documentos que a persoa interesada achegue na súa solicitude para comprobar a exactitude destes, levar a cabo as actuacións administrativas que deriven e informar sobre o estado de tramitación. Así mesmo, os datos persoais incluíranse na Carpeta cidadá de cada persoa interesada para facilitar o acceso á información, tanto persoal como de carácter administrativo.
Lexitimación para o tratamento	O cumprimento dunha tarefa en interese público ou o exercicio de poderes públicos segundo a normativa recollida no formulario, na páxina <a href="https://www.xunta.gal/informacion-xeral-proteccion-datos">https://www.xunta.gal/informacion-xeral-proteccion-datos</a> e na ficha do procedemento na Guía de procedementos e servizos. Consentimento das persoas interesadas, cando corresponda.
Destinatarias dos datos	As administracións públicas no exercicio das súas competencias.
Exercicio de dereitos	As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, de ser o caso, o consentimento outorgado a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en <a href="https://www.xunta.gal/exercicio-de-dereitos">https://www.xunta.gal/exercicio-de-dereitos</a>
Contacto coa persoa delegada de protección de datos e máis información	<a href="https://www.xunta.gal/informacion-xeral-proteccion-datos">https://www.xunta.gal/informacion-xeral-proteccion-datos</a>

**LEXISLACIÓN APLICABLE**

Orde do 20 de marzo de 2018 pola que se regula a educación básica para as persoas adultas e se establece o seu currículo na Comunidade Autónoma de Galicia.


Resolución do 27 de xaneiro de 2023, da Dirección Xeral de Formación Profesional, pola que se convocan as probas para a obtención do título de graduado en educación secundaria obrigatoria para maiores de dezoito anos nas convocatorias de maio e setembro, e se ditan instrucións para a súa realización (código de procedemento ED540A).

**SINATURA DA PERSOA SOLICITANTE OU REPRESENTANTE**

Lugar e data

 ,  de  de 

Nome do centro:

 SEDE ELECTRÓNICA Este formulario só poderá presentarse nas <https://sede.xunta.gal> formas previstas na súa norma reguladora

CVE-DOG: udv8d7h5-g9e0-xb12-sq00-fbfcnh5iyt4


**XUNTA  
DE GALICIA**

ISSN1130-9229

Depósito legal C.494-1998

<https://www.xunta.gal/diario-oficial-galicia>



**ANEXO II**  
**Equivalencias entre ensinanzas ou probas superadas e as probas para a obtención do título de graduado en educación secundaria obrigatoria**

Ámbitos exentos	Sistema actual		Sistemas educativos anteriores				
	Materias de educación secundaria obrigatoria de 4º de ESO (Decreto 86/2015, do 25 de xuño)	Módulos dos ciclos da formación profesional básica definidos pola Lei orgánica 8/2013	Materias de educación secundaria obrigatoria de 4º de ESO (Decreto 133/2007, do 5 de xullo)	Materias e ámbitos do programa de diversificación curricular de 4º de ESO (Orde do 30 de xullo de 2007)	4º módulo (nivel II) dos ámbitos da educación secundaria para persoas adultas ou módulos voluntarios de PCPI	4º módulo dos ámbitos da educación secundaria para persoas adultas, currículo LOXSE	Materias de 2º curso de BUP (Lei 14/1970, do 4 de agosto)
Ámbito de comunicación	Lingua castelá e literatura, Lingua galega e literatura, e primeira ou segunda Lingua estranxeira	Módulo de Comunicación e Sociedade II	Lingua castelá e literatura, Lingua galega e literatura, e primeira ou segunda Lingua estranxeira	Ámbito lingüístico-social e a materia de Lingua estranxeira	Comunicación	Comunicación	Lingua castelá e literatura, Lingua galega e literatura, e Lingua estranxeira
Ámbito social	Xeografía e Historia	Módulo de Comunicación e Sociedade II	Ciencias sociais e Xeografía e Historia	Ámbito lingüístico-social	Social	Da sociedade	Xeografía humana e Historia
Ámbito científico-tecnolóxico	Matemáticas orientadas ás ensinanzas académicas ou Matemáticas orientadas ás ensinanzas aplicadas, Bioloxía e Xeoloxía, Física e Química, e Tecnoloxía (no caso de non ter cursado algunha das materias deberá ter superada a materia do terceiro curso)	Módulo de Ciencias Aplicadas II	Matemáticas e, polo menos, dúas materias das seguintes: Tecnoloxía Bioloxía e Xeoloxía Física e Química	Ámbito científico-técnico e a materia de Tecnoloxía	Científico-tecnolóxico	Ámbito tecnolóxico-matemático e Ámbito da natureza	Matemáticas e Física e Química



## ANEXO III

Don/Doña .....  
*Don/Dona* .....

Como secretario/a del tribunal de las pruebas para la  
*Como secretario/a do tribunal das probas para a*  
obtención del título de graduado en educación secundaria obligatoria, celebrada en el  
*obtención do título de graduado en educación secundaria obrigatoria, celebrada no*  
centro ..... de .....  
*centro* ..... *de* .....  
el día ..... de ..... de 2023.  
*o día ..... de ..... de 2023.*

CERTIFICO QUE, de acuerdo con lo que figura en las actas de estas pruebas,  
*CERTIFICO QUE, consonte o que figura nas actas destas probas,*

Don/Doña .....  
*Don/Dona* .....

con DNI número..... ha obtenido las siguientes calificaciones:  
*con DNI número..... obtivo as seguintes cualificacións:*

ÁMBITO DE COMUNICACIÓN \_\_\_\_\_  
*ÁMBITO DE COMUNICACIÓN* \_\_\_\_\_

ÁMBITO CIENTÍFICO-TECNOLÓGICO \_\_\_\_\_  
*ÁMBITO CIENTÍFICO-TECNOLÓXICO* \_\_\_\_\_

ÁMBITO SOCIAL \_\_\_\_\_  
*ÁMBITO SOCIAL* \_\_\_\_\_

A la vista de estos resultados, el/la aspirante (ha sido/no ha sido) propuesto para la obtención  
*Á vista destes resultados, o/a aspirante (foi/non foi) proposto para a obtención*  
del título de graduado en educación secundaria.  
*do título de graduado en educación secundaria.*

..... de ..... de 2023.

Vº Bº El/la presidente/a (Sello del centro) El/la secretario/a  
Vº e prace O/a presidente/a (Selo do centro) O/a secretario/a

Fdo. .... Fdo.....  
*Asdo.* ..... *Asdo.* .....



**ANEXO IV**  
**Probas para a obtención do título de graduado en educación**  
**secundaria obrigatoria para maiores de dezoito anos**

Ficha de estatística:

Centro: ..... Localidade ..... Provincia .....

Data de realización da proba: ..... de ..... de 2023.

Número total de aspirantes inscritos/as: .....

Número total de aspirantes presentados/as: .....

Número total de aspirantes propostos/as para título: .....

**1. Número total de aspirantes presentados/as, segundo idade e sexo.**

Idade	Ata 19	20 a 25	26 a 30	31 a 35	36 a 44	45 a 54	55 a 64	Máis de 64
Homes								
Mulleres								
Total								

**2. Persoas con necesidades educativas especiais, segundo idade e sexo.**

Idade	Ata 19	20 a 25	26 a 30	31 a 35	36 a 44	45 a 54	55 a 64	Máis de 64
Homes								
Mulleres								
Total								

**3. Número total de aspirantes presentados/as que se propoñen para a obtención do título de graduado en educación secundaria.**

Idade	Ata 19	20 a 25	26 a 30	31 a 35	36 a 44	45 a 54	55 a 64	Máis de 64
Homes								
Mulleres								
Total								

Asdo.: \_\_\_\_\_

